

CARTA NU GUTHEL·LA' APÓSTOL SAN PABLO PARA CA ENNE' ÉFESO

La Epístola Del Apóstol San Pablo A Los

EFESIOS

1 Inte' Pablo ná' apóstol qui' Jesucristua, porqui'ni a' ná la' calatsi' qui' Tata Diuỹia lani inte'. Acca rùdià' cartj para lebi'j ca enne' qui' Tata Diuỹia tse'e le' yétsi Éfeso, lebi'j canu ríalatsi' le Cristo Jesús. ²Calátsa'a' qui'ni Dios Padre qui' rí'ua nna gunie le bendecir lani adí favor qui'e a'hua lani la'ỹeni nu runna Jesucristua enne' née Señor lo iyate.

³Ná qui'ni gudàliani ri'u Dios enne' ná Tàta qui' Xana' Ri'u Jesucristua, porqui'ni de chi ná ri'u ttùba lani Cristua nna chi runi Tata Dios ri'u bendecir lani iyaba ca cosa tse' nu da' de ỹiabara' para la'labàni espiritual qui' ri'u. ⁴Tata Dios nna chi becu'e ri'u dèdèba antes càla cue' yétsiloyu para qui'ni ccá ri'u ttùba lani Cristua, a'hua para qui'ni tsé'e ri'u ru'a lúe lani ttu la'labàni nàri sin qui'ni bittu falta té qui' ri'u lani e. ⁵Por la' tsì'ilatsi' qui'e lani ri'u nna belaba latsi'e dèdèba nérúa qui'ni

édi'e ri'u por ỹi'nie por medio de Jesucristua, porqui'ni a' ná nu adiru calatsi'e gunie lani ri'u, ⁶para qui'ni gului'e ti'lyá yéni gání ná favor qui'e lani ri'u. Acca chi benie ri'u recibir porqui'ni chi ná ri'u ttùba lani Ỹi'ni Amado Qui'e. ⁷A'hua chi beyuniỹén latsi'e ca tul-la' qui' ri'u porqui'ni Jesucristua nna chi gùttie lo yà curútsia, anía modo nna chi bedilèe ri'u. Todo es porqui'ni yala catsi'ínie ri'u. ⁸Acca yala runie ri'u bendecir lani la'huacca para gata' adí la' riyeni tse' qui' ri'u nna ttélíni ri'u completamente tse' para gucué' ri'u entre nu ná tse' nna nu ná mal nna. ⁹Acca por primera vez nna chi nabia'ni ri'u voluntad qui'e nu lanú nuỹa chi benibí'a antes, de acuerdo lani nu adiru calatsi'e gunie según propósito tse' qui'e. ¹⁰Quiere decir qui'ni dèdè'ba nérúa Tata Dios nna chi té ttu la' rulábalatsi' tse' qui'e para qui'ni itute historia qui' yétsiloyu nna ccá cumplir lani Cristua canchu chi gal-la' tiempo nu

nánie, para qui'ni cu'ubi'e iyaba nu té, tàntua nu té ÿiabara', a'hua nu té yétsiloyu nna. ¹¹Dèsdeba neru chi nánie qui'ni ccá ri'u qui'e nna thi' ri'u iyate nu chi rèe gúnnée qui' ri'u, según la' rulábalatsi' tse' qui'e de runie iyábani para qui'ni propósito qui'e nna ccá cumplir, ¹²para qui'ni intu' canu gùta' fe qui' tu' lani Cristua yà'la nna guni tu' para qui'ni Tata Dios nna thí'e adí la' dàliani. ¹³A'hua lebi'ì dèsdèba loti' biyénini le titsa' lígani para cca le salvo nna, huá tè latsi' le Cristua nna guthel-la' tìe Espíritu Santo enne' dúe lo losto' le ti'a chi rèe qui'ni gunie, prueba de qui'ni chi ná le enne' qui'e. ¹⁴Acca chi ga'na ri'u seguro qui'ni Tata Dios nna gunna huée qui' ri'u iyaba adí ca bendición nu chi benìnie ri'u prometer canchu chi i'yu tsáa qui'ni gudilèe para siempre iyaba ri'u canu ná qui'e, para qui'ni lèe nna thí'e adí la' dàliani.

¹⁵De biyeni te' qui'ni rappa le confianza lani Xana' Ri'u Jesucristua por salvación qui' le a'hua qui'ni yala la' tsì'ilatsi' té lo losto' le para lani adí ca enne' qui'e, ¹⁶acca labí rudutsia' rue' ye' e gracia por lebi'ì, a'hua tulidàba rexalátsa'a' le lo ca oración quía'. ¹⁷Tata Dios Enne' Tsùna', Tàta qui' Xana' Ri'u Jesucristua nna, rinába' qui'ni gúnnée qui' le adí la'huacca qui' Espíritu Santo para qui'ni gata' adí la' riyeni tsè' qui' le nna adí la' ritelíni qui' le nna, para qui'ni gunibia' li e adiru tse', ¹⁸A'hua qui'ni gúnnée adí la'yani' lo la' ritelíni qui' le para qui'ni gunibia' le ti'iyá tse' ná la' rulábalatsi' qui'e

para lani le tiempo nu chì' da'la, porqui'ni chi gutàyie le nna chi ná le enne' qui'e. A'hua para qui'ni ccá le saber ti'iyá tsè' gání ná salvación nu chi benie prometer qui'ni gúnnée qui' ttu ttu tsa ca enne' chi ná qui'e. ¹⁹⁻²⁰Runi huá' oración qui'ni gunibia' le ti'iyá iyeni tsè' ná la'huacca qui' Tata Dios para lani ri'u canu ríalatsi', quiere decir la'a mísmuba la'huacca nu té qui'e loti' bechìthe Cristua de entre canu yatti nna beyaccabàni bi attu nna bedua tìe bi cuitte' e lado ná' bànie le' ÿiabara' para cu'ubi'e. ²¹Acca chi née enne' adiru dacca' lo iyaba ca ángeli nna ca espíritu nna canu té poder qui' qui' le' ÿiabara' l'le iyaba clase de la' rigú'ubia' le' yétsiloyu l'le iyábani ca enne' l'le, pues Cristua nna née adiru enne' ÿeni lo iyátení tàntua nu té tiempo anna a'hua nu chì' da'la nna. ²²Tata Dios nna chi betie iyábani ca cosa latsi' ná' Cristua, acca Cristua nna née enne' rigú'ubia' lo iyáteni nu té para iglesia qui'e, ²³ri'u nu ná cuerpo qui'e le' yétsiloyuì porqui'ni dúe lo losto' iyaba canu ríalatsi' lani la'huacca ÿeni nu té qui'e le' iyábani lugar de dúe le' itute ÿiabara' nna itute yétsiloyu nna.

2 Ttu cuaña nuá nna uccua le nu yatti espiritualmente taá, porqui'ni beni le puru taá nu labí ná tse' nna iyábani clase de tul-la' nna. Pero annana chi té la'labàni cubi nu benna Tata Dios qui' le. ²Ttu cuaña nuá nna beni le seguir lani ca cosa mal nu rú'ulatsi' yétsiloyu nna, beni le nu rú'ulatsi' numalua enne' rigú'ubia' ca espíritu malo canu tse'e lo be'

nna, runiã latsi' canu labí runi çá Tata Dios obedecer para qui'ni guni çá adí tul-la'. ³Aníã beni iyaba ri'u, beni ri'u iyaba mal nu ridàlatsi' cuerpo qui' ri'u nna iyaba ca tul-la' nu uccualatsi' ri'u según ca la' rulábalatsi' mal qui' ri'u. Dèsdèba gùlia ri'u nna cca ri'u merecer castigo qui' Tata Dios tì'a adí ca enne' tul-la'. ⁴Pero Tata Dios nna iÿeni ná la' retúalatsi' qui'e nna yala catsi'ínie ri'u. ⁵Labí fuerza té qui' ri'u para guni ri'u nu ná tse', uccua ri'u tì'a ttu nu yatti para nitti ri'u por cause de ca tul-la' nu beni ri'u. Pero Tata Dios nna bènne la'labàni qui' ri'u lani Cristua. Por puru taá favor qui'e lani ri'u, acca chi bedilèe le le' condenación.

⁶Pero annana chi ná ri'u ttùba lani Cristo Jesús nna chi bechìtha Tata Dios ri'u juntu taá lani Cristo nna bedua tìe ri'u cuitte' e le' ÿiabara', ⁷para qui'ni ca tiempo nu chì' da'la nna gulue'ní ti'iÿa iÿeni ná la' tsì'ilatsi' nu té qui'e tulidàba de chi retúalatsi' e ri'u por causa de Cristo Jesús. ⁸Por puru taá la' tsì'ilatsi' qui' Tata Dios lani le acca chi ná le salvo porqui'ni té fe qui' le lani Cristo Jesús; bihua nã por la'huacca qui' la'a lebi'ì bá, sino ná lã regalo nu ÿa runna ba Tata Dios qui' le, ⁹alahua nã por biÿa ttu obra nu beni le; acca bihua modo té ebata' ri'u ína ri'u qui'ni yala merecer cca ri'u. ¹⁰Tata Dios nna benie ttu ttu tsa ri'u para cca ri'u ttùba lani Cristo Jesús nna guni ri'u ca obra tsè' según nu chi nanie dèsdèba antes qui'ni guni ri'u.

¹¹Lebi'ì enne' Éfeso, dèsdèba gùlia le nna yala mal rinne ca enne'

judío qui' le porqui'ni bittu seña de circuncisión té cuerpo qui' le según costumbre nu runi çá. Ná qui'ni gurexa' latsi' le qui'ni làa iÿùl-lani le ti'iÿa enne' uccua le antes.

¹²Tiempo lanía nna lanú Cristo té para lebi'ì para cca le salvo. Labí ná le enne' judío, acca ca bendición nu ná para ca enne' israelita nna labí derecho té qui' le para thi' le çá. Labí parte gùta' qui' le lani ca convenio nu beni Tata Dios lani ca enne' qui'e. Lebi'ì nna nì ttu la'ÿeni té qui' le por nu chì' da'la, lanú Tata Dios té para lebi'ì. A' uccua condición qui' iyaba le. ¹³Pero annana chi ná le ttùba lani Cristo Jesús, lèe nna gùttie para lebi'ì canu gutsé'e idittu' de Tata Dios pero annana chi gùchi'e le èxaba lani lèe. ¹⁴Por Cristo Jesús nna chi ná le ttùba yétsi lani ca enne' judío, porqui'ni chi gùttie para iyaba ri'u, a' modo nna labiru ná ri'u chùppa yétsi tì'a antes, sino chi beyàcca tsè' ri'u nna labiru dé'è té entre ri'u. ¹⁵Por lù'uti qui' Cristua nna, a' modo gùtue la' ruyudí' latsi' nu uccua entre ca enne' judío lani ca enne' qui' adí ca nación, quiere decir ley nu bedia Moisés lani iyaba ca mandamiento qui'ì nna ca regla què'ì nna, para qui'ni ca chùppa yétsia nna ccá çá ttùba enne' cubi lani lèe, a' modo nna chi beyàcca tse' iyaba ri'u. ¹⁶Chi bi'è fin qui' iyaba ca la' ruyudí' latsi' luetsi chùppa ca yétsiã' nna chi beyunie iyaba ri'u ttùba yétsi de beyacca tse' ri'u ttùba lani Tata Dios por medio de lù'uti qui' Cristua lo yà curútsia.

¹⁷Cristua nna bité gutixè'e ca titsa' nu runna la'ÿeni, para qui'ni

lebi'i canu guts'é le idittu' de Tata Dios nna eyàcca tse' le lani intu' ca enne' judío canu tse' èxaba lani lèe. ¹⁸Por medio de Cristua nna chi té lo néda para ibiga' ri'u lani Dios Padrea, sea ca enne' de raza judío l'le o sea lebi'i ca enne' qui' adí ca nación l'le, porqui'ni la'a mísmuba Espíritu Santo dúe lo losto' iyaba ri'u canu ríalatsi'. ¹⁹Acca lebi'i nna labiru ná le canu fuera, sino ttùba derecho chi té qui' le lani iyaba canu chi ná enne' qui' Tata Dios, ttùba familia chi ná iyaba ri'u lani lèe. ²⁰Lebi'i canu cca formar familia qui' Tata Dios nna ná le tì'a ttu yú'u nu ratha lo cimientu qui'i. Intu' ca apóstol lani ca profeta nna ná tu' tì'a ttu cimientu, pero enne' nu adiru dacca' nna née Jesucristua. Lèe nna née íyya principal nu nàxu' itute yú'i. ²¹Por la'huacca qui' Señor nna, iyaba ri'u ca enne' ríalatsi' té parte qui' ri'u yú'u qui' Señor nna runi ri'u seguir nu ná tse', ttu ttu tsa ri'u runi cualàni luetsi ri'u, hàstaá qui'ni iyaba ri'u nna ccá ri'u ttu templo nu dacca' para lèe. ²²A'hua lebi'i ca enne' Éfeso nna chi ná le ttùba lani Cristo, acca ttùba familia chi ná le lani iyaba adí canu ríalatsi'. Iyaba ri'u nna chi ná ri'u ttu yú'u làti dua Tata Dios, porqui'ni dua Espíritu Santo lo losto' ri'u.

3 Chi ná ri'u ttùba lani Cristua, acca inte' Pablo runia' oración por lebi'i, màsqui'ba tía' litsi' ìyyà por nu cca qui' Cristo Jesús, porqui'ni benia' predicar titsa' qui'e entre lebi'i ca enne' qui' adí ca nación. ²Chà yù le qui'ni Tata Dios, por la' tsi'ilatsi' qui'e lani inte', chi

bethà'née latsi' nàya' para quixá'a' ca titsa' de salvación entre lebi'i. ³Nu chi nàni Tata Dios dèsdeba neru nu labí chi nabia'ni ttu enne' antes, pues benie qui'ni uccua ya' a saber tì'ba chi bedía' titó' lo cartí. ⁴De gul'la le carta qui yì'i nna cca le saber la' ritelíni nu té quia' de nu chi nani Tata Dios dèsdeba antes qui'ni gunie por medio de Cristua. ⁵Nìdi ttu enne' labí benibí'a na antes, pero annana chi beni Tata Dios qui'ni intu' ca apóstol qui'e nna ca profeta qui'e nna uccua tu' a saber por medio de Espíritu Santo. ⁶Chi beluè'nie intu' qui'ni hàstaba lebi'i canu labí ná cã enne' judío nna, ttùba bendición thí' le lani intu' ca enne' judío. Ttùba familia chi ná iyaba ri'u canu ríalatsi' titsa' de salvación, a'hua ttùba ná bendición nu chi beni Tata Dios prometer qui'ni gúnnée qui' iyaba ri'u, porqui'ni chi tse'e ri'u ttùba lani Cristo Jesús. ⁷Por puru taá favor qui' Tata Dios, acca benie qui'ni ná obrero qui'e, para qui'ni por medio de la'huacca qui'e lani inte' nna quíxa'á' ca titsa' qui'e nu runna salvación. ⁸Canchu nuña cania qui'ni nã menos tì'chu adí ca enne' qui' Tata Dios, pues cca te' qui'ni adila menos ná' tì'chu lã, atsi'íní becuí'e inte' por la' tsi'ilatsi' qui'e para tsa'á' adí ca nación quíxa'á' ca titsa' nu cca qui' Cristua a'hua ti'iyã iñeni ná ca bendición nu runne qui' ri'u, ⁹para qui'ni iyáñiani ca enne' nna ttélíni cã ti'iyã modo benie cumplir la' rulábalatsi' tse' qui'e para làcã. Tata Dios enne' beni iyábani nu té nna, là terúbée hua yùe dèsdeba neru

nu gunie para lani ca enne' qui' adí ca nació. ¹⁰Pero annana chi benie na declarar claru taá, para qui'ni iyáỹiani ca ángeli nna ca espíritu canu té la'huacca qui' qui' yíabara' nna ccá çá saber por nu uccua lani ri'u canu ná iglesia qui'e ti'liya tsè' ná la' ritélini qui' Tata Dios para salvación qui' iyáỹiani clase de enne'. ¹¹A' beni Tata Dios conforme lani la' rulábalatsi' tse' nu té qui'e dèsdeba neru para itute yétsiloyu, pero labí uccuá hàsta qui'ni bitá Xana' Ri'u Jesucristua tì'a chi nani Tata Dios. ¹²Por medio de Jesucristua nna chi té lo néda qui' ri'u ibiga' ri'u lani Tata Dios sin la' rátsilatsi', porqui'ni ràppa ri'u confianza lani Cristua, acca ga'na ri'u seguro qui'ni gunie ri'u recibir. ¹³Hua yu le qui'ni yala cca'a' sufrir por causa de ca titsa' nu riquixa'ánia' le, pero bittu edúl-la'a latsi' le, porqui'ni sufrimiento nu rittia' nna ná para bien qui' le. ¹⁴Por nui nna ruduỹibia' runia' oración lani Dios enne' ná Tàta qui' Xana' Ri'u Jesucristua.

¹⁵Por medio de lèe nna té nombre qui' iyaba ca familia canu tse'e le' yétsiloyu, a'hua canu tse'e yíabara'. ¹⁶Lèe nna té itute la'huacca qui'e de nu ná tse' para gunie le cualàni, acca rinábani ye' e qui'ni gúnnée adí fuerza para espíritu qui' le por medio de Espíritu Santo qui'e, ¹⁷a'hua qui'ni gata' adí fe qui' le lani Cristua, para qui'ni thúe lo losto' le lani la' redacca' latsi', para qui'ni gunibia' le adí tse' biya nuá' la' tsì'ilatsi' nna gata' adí fuerza para espíritu qui' le por medio de iyéniní la' tsì'ilatsi' nu runne lo

losto' le, ¹⁸para qui'ni ttélini le tsè' gani lani iyaba adí ca enne' qui' Tata Dios qui'ni iyéniní ná la' tsì'ilatsi' qui' Cristua dèsdeba yíabara' hàstaá yétsiloyu, le' itúỹiani lugar para siempre nna catsi'ínie iyáỹiani ca enne'. ¹⁹Runia' oración qui'ni guni bia' le ti'liya iỹeni ná la' tsì'ilatsi' qui' Cristua, labí la'huacca té qui' ri'u para qui'ni guni bia' ri'u itute a, para qui'ni Tata Dios nna thúe lo losto' le lani la'huacca qui'e.

²⁰Quiýaru Tata Dios qui'ni huaccanie gunie para ri'u adírulá iỹeni de nu inábani ri'u e a'hua de nu rulaba latsi' ri'u, por medio de la'huacca qui'e de runie tsina lo losto' ri'u. ²¹Labée nna yala enne' dacca' née para qui'ni ri'u nu ná iglesia qui'e nna gudàliani ri'u e tulidàba para siempre por iyate nu benie para ri'u por medio de Cristo Jesús. Quiýaru e.

4 Inte' Pablo tí'a' preso porqui'ni runia' predicar titsa' qui' Señor. Runia' le animar lani ca titsa' qui' yì'ì qui'ni guni le nu ná tse' tì'a ná qui'ni ca enne' qui' Tata Dios guni çá, porqui'ni chi gutàỹie le para ccá le yì'nie. ²Bittu cani le qui'ni adiru dacca' le tì'chu adí ca enne', sino ccá lá le enne' yénlatsi'. Liucuèda latsi' le tulidà taá, bittu itsa'áni luetsi le. Liguni cualàni luetsi ttu le nna attu le nna lani la' tsì'ilatsi'. ³Liguni duel-la' ccá ttùba la' rulábalatsi' qui' le, porqui'ni Espíritu Santo nna dúe lo losto' le, acca liguni nu rú'ulatsi'e para qui'ni gata' la'ỹeni entre lebi'ì. ⁴Ttùba ná ri'u lani Cristua, a'hua ttùba Espíritu Santo runna

la'labàni espiritual qui' ri'u de dúe lo losto' ri'u. A'hua ribèda ri'u lani la' redacca' latsi' por nu gunna Tata Dios qui' ri'u porqui'ni chi gutàÿie ri'u. ⁵A'hua ttù teruba Cristo Jesús née Señor lo iyaba, a'hua ttùba enseñanza ríalatsi' ri'u, a'hua ttùba dacca' bautismo para iyaba ri'u. ⁶A'hua ttù teruba Dios dua. Lèe nna née Tàta qui' iyaba ri'u. La'a mísmuba lèe nna bána'nie lo iyate ni nna dúe lo losto' iyaba ri'u nna runie entre ri'u nu calatsi'e.

⁷Pero ttu ttu tsa ri'u nna chi té ttu capacidad qui' ri'u según la'huacca nu runi Cristua lani ri'u. ⁸Tì'a nu ra lo Escritura nu cca qui' Cristua:

De beyèqqie ÿiabara' nna
dechì'e iyaba canu uccua çà
vencido por lèe,
Bete tìe capacidad qui' ca
enne' para qui'ni guni çà nu
calatsi'e.

⁹Biánicca ra qui'ni bè'yue ÿiabara' cá. Es qui'ni yà'la tè bité, pues bité hàstaá le' yétsiloyu. ¹⁰La'a mísmuba Cristo enne' bitá yétsiloyu nna beyèqqia huée ÿiabara' para thúe le' itúbani lugar lani la'huacca qui'e. ¹¹La'a labée nna rutie capacidad qui' ttu ttu enne'. Por ejemplo, betie capacidad qui' tu' para tsá' tu' thulo tu' ttu obra para lèe; attu té çà nna para quixá'a çà según runi Tata Dios latsi' quí qui'ni inne çà; attu té çà nna para gute çà mensaje nu runna salvación qui' ca enne'; attu té çà nna para hué' çà cuidado la'labàni espiritual qui' ca enne' ríalatsi' nna gute çà ca enseñanza nu cca qui' ca titsa' què'e. ¹²Anía runi Cristua ca enne' qui'e

preparar para guni çà servir luetsi quí, para qui'ni iyaba ri'u canu cca formar cuerpo qui'e le' yétsiloyu nna gata' adí fuerza de la'labani espiritual qui' ri'u nna, ¹³hàsta'na qui'ni ccá ttùba la' rulábalatsi' qui' iyaba ri'u por fe nu té qui' ri'u nna ttélini ri'u tsè' gani itute nu ná ÿì'ni Tata Dios para ri'u nna iÿèni ri'u espiritualmente taá tì' taání Cristua née enne' completamente tse'. ¹⁴Làniana ttélini ri'u tsè', alàa tì'a ná ca huatsa to' canu bílá bílá bá rulaba latsi' quí nna ría taá latsi' quí biÿa tediba enseñanza ní nu riquixá'a ca enne' lani maña ba nna ruthacca'ÿí çà çà de rute çà ca enseñanza huaya' lá nu labí ná lí. ¹⁵Pero ri'u nna dani ri'u inne lá ri'u tulidàba nu ná lí, pero lani ttu modo e la' tsì'ilatsi', pues ná qui'ni ccá ri'u tì' ná Cristua lani itute la'labàni qui' ri'u, para qui'ni ccá ri'u completamente ttùba lani lèe. Lèe nna runie ri'u dirigir porqui'ni née cabeza qui' cuerpo qui'e nu ná ri'u. ¹⁶Por ejemplo: iyaba ca parte nu cca formar cuerpo qui' ri'u nna tsè'ni tsáa' luetsi quí nna yéti' luetsi quí tì'ba ná qui'ni ccá çà para qui'ni iÿèni itute cuerpo, según capacidad nu té qui' ttu ttu miembro quì'i, anía modo nna gata' fuerza la'labàni espiritual qui' itute iglesia pero lani la' tsì'ilatsi' nu té qui' ttu ri'u lani attu ri'u.

¹⁷Annana rinénia' le attu vuelta porqui'ni ga'na' seguro qui'ni a' calatsi' Señor qui'ni quixa'ánia' le: bíttuúru guni le ca cosa mal tì' runi canu labí nabi'ni çà Tata Dios nna runi çà según la' rulábalatsi' quì' bá quí nna, ¹⁸re' ÿí bánía la' riyeni

qui' qui. Labí nabi'a'ni cã la'labàni nàri nu runna Tata Dios porqui'ni labí ritelíni cã ca cosa espiritual nna yala duro ná losto' qui' contra nu ná lí nna, ¹⁹bíruhuá rettú'ni cã de runi cã nu làa ná tse' nna listo ba tse'e cã para guni cã bíyãáru vicio nna placer nna hàstaá bíyãáru cosa cùttsi nu ridà latsi' qui, ã' ná nu adiru rú'ulatsi' qui. ²⁰Pero lebi'í nna álahuá á' bidète' le nu cca qui' Cristua, ²¹porqui'ni chía biyénini le titsa' qui'e nna chía bidète' le ca enseñanza qui'e, ca titsa' lí nu gunne Jesús. ²²De nu cca qui' la'labàni qui' le ántesca tsíalatsi' le, bíttuúru tsé'e le bajo la' rulábalatsi' viejo qui' le, porqui'ni iyaba ca la' ridàlatsi' mal ni nna ruthacca'yí cã le para guni le adí tul-la' nna nitti ba le. ²³Acca ná qui'ni gata' attu la' rulábalatsi' huaya' qui' le nna ccá le enne' cubi espiritualmente taá. ²⁴Liulue' qui'ni chi té la'labàni cubi qui' le t'ia canchu chi gaccu' ri'u ttu lari' cubi. La'labàni cubi qui' le nna nã por la'huacca qui' Tata Dios para qui'ni ccá ri'u enne' tse' nna nàri nna según nu ná lí.

²⁵Por nui nna liutse'e latsi' le iyaba clase de bèyia nna nunca labí gunilàtsi' le, sino puru taá nu ná lí inne le, porqui'ni iyaba ri'u ttùba ná ri'u t'ia ca parte qui' ttu cuerpo.

²⁶Canchu ritsa'áni le, cueda tí' latsi' le para làa guni le biyã cosa mal. Alàa ttùyã tsá bá tse'e le lani la' lla, sino eyacca tsè' taá le. ²⁷Bittu gute le néda lani numalua para guniã nu calatsi'í lani le.

²⁸Nu ribana nna bíttuúru cuana, sino adila tsa' guniã gana lani tsina nu runiã, pero ttu tsina nu ná tse'

delante de Dios, para qui'ni ã' modo nna gátta'niã para guniã cualàni ca enne' ga'na lani necesidad.

²⁹Bíttuúru inne le biyã titsa' cùttsi, sino puru taá ca titsa' nu runna consejo tsè' para la'labàni qui' ca enne', para qui'ni iyaba canu riyénini cã qui' le nna thí' cã bendición lo losto' qui. ³⁰Bittu inne le biyã titsa' ñihua bittu guni le biyã nu runi qui'ni ehuiní'ni Espíritu Santo enne' guthèl-la' Tata Dios. Chi dua Espíritu Santo lo losto' iyaba ri'u canu ríalatsi', por nui nna egà'na ri'u seguro qui'ni i'yu tsá l-la' ri'u para siempre. ³¹Bittu rù cúa lo losto' le ca la' rulábalatsi' qui' le nu runi qui'ni itsa'áni le lani attu enne'. Bittu rù cca le iquua l-la ñihua iquua tsà'a, ñihua bittu rù innedí' le, ñihua bittu rù qué' lé, ñihua bittu rù biyã guthacca' le ca enne'. ³²Sino liuyu tse' luetsi le, ã'hua cca le enne' de la' retúalatsi', dàni le eyuniyén latsi' qui' ttu le nna attu le nna tì' tehuá Tata Dios chi beyuniyén latsi'e qui' le iyé vuelta, porqui'ni Cristua nna chi gùttie por ca tul-la' qui' le.

5 Yà'ni qui'ni lebi'í nna chi ná le yí'ni Tata Dios, yala catsi'ínie le, acca annana dàni le guni le duel-la' ccá le enne' tse' tì'ba née enne' tse'. ²Liulue' tulidàba qui'ni té la' tsì'ilatsi' lo losto' le tì'ba Cristua nna yala ucuatsi'ínie ri'u nna betie la'labàni qui'e para gudilèe ri'u. Lèe nna gùttie para quée sacrificio por ca tul-la' qui' ri'u, réni nu belàle nna uccua ttu ofrenda tsè' nu beni Tata Dios recibir.

³Yà'ni qui'ni chi ná le enne' qui' Tata Dios, acca nidí' titó' bittu guni

le ca cosa mal tì'a la' ridualàni nu labí ná tsèla le, liutse'e latsi' le iyaba ca cosa nu labí ná nàri delante de Dios, à'hua bittu thá latsi' le thí' le nu ná qui' attu enne', pues bittu inne le de nu cca qui' ca cosa maluà' ti'atsi calatsi' le guni le cà. ⁴A'hua bittu ná qui'ni inne le ca titsa' nu chè' la' réttu'ló, ñihua bittu inne le ca titsa' tonto ñihua ca titsa' disparate, porqui'ni álahua à' dani ca enne' ríalatsi' inne cà. Sino adila tsa' hue' le gracia Tata Dios. ⁵Chìa yù le qui'ni iyaba canu runi adulterio o biya cosa nu labí ná nàri delante de Dios nna, pues ca nui nna labí nà-la' él-lá' cà gata' parte qui' qui' làti rigú'ubia' Cristua nna Tata Dios nna, ñihua ca enne' dàa latsi' nna, porqui'ni tulappa bá nà túl-la'a' tì'a canu runi adorar ca ídolo. ⁶Hue' le cuidado qui'ni nú ttu nuya guthacca'yíà le de rinne cà qui'ni álahua à' ná, pues yù ri'u qui'ni Tata Dios nna fuerte ni gunie castigar iyaba canu runi ca cosa mal nà'. ⁷Acca bittu lání lé le' vicio nu runi cà.

⁸Ttu cuaya nuá nna labí nabia'ni le titsa' qui' Señor nna gutsé'e le le' tul-la', pero annana de chi ná le enne' qui' Señor nna chi tsè'e le le' la'yani', acca liguni nu ná nàri nna tse' nna de acuerdo lani la'yani' nu chi dua lo losto' le. ⁹Porqui'ni canu dua Espíritu Santo lo losto' qui' nna ná cà enne' tsì'ilatsi' nna runi cà nu ná tse' nna puru taá titsa' lí rinne cà. ¹⁰Liguni duel-la' idète' le nu rú'ulatsi' Señor. ¹¹Bittu edácca'ni le para guni le ca cosa nu labí riyu' tì'a ca cosa mal nu runi canu labí nabia'ni cà titsa' qui' Señor, sino

gute lá lé consejo qui' qui' para qui'ni ttélini cà ti'iya mal ná ca cosí ru'a lo Tata Dios. ¹²Ca cosa cùttsi nu runi gattsí' ba ca enne', labí ná qui'ni inne ri'u cà ru'a lo adí ca enne', porqui'ni à' modo nna éte' huá cà na ettu' huáni cà. ¹³Pero la'yani' ligani nna té la'huacca qu'í para gului'q iyaba ca cosa nu runi ca enne' nna ilá'ní claru tení ti'iya ná cà, à'hua para qui'ni ttu cosa nna eyaccà la'yani'. ¹⁴Acca ra lo Escritura:

Lu' nu ti'áthi, chi dacca'
bebànídí nna beyátha entre
canu yatti,

Cristua nna gunie qui'ni tsáni'
ttu tsá cubi para lu'.

¹⁵Lihue' tse' cuidado ti'iya ná la' rídua qui' le, aláa tì'ba canu bihua rulaba latsi', sino canu rà'a razón lá. ¹⁶Yala maldad té le' yétsiloyuì, acca bittu cuenta tse'e ba le sino liuhue'èl-la' latsi' le guni le nu ná tse' para iyábani ca enne', porqui'ni tuchùppa tsá teruba tse'e ri'u le' yétsiloyuì. ¹⁷Acca bittu cca le tì'a canu làa ritelíni cà biya nuà' ná tse' nna ná mal nna, sino liguni duel-la' ttélini le biya nua' calatsi' Señor qui'ni guni le. ¹⁸Bittu ccá le borracho, porqui'ni licor nna nà ttu vicio nu richè'q ca enne' para nitti cà. Liute la lugar qui'ni Espíritu Santo enne' dua lo losto' le gunie dirigir itute la'labani qui' le. ¹⁹Acca ligùl-la ca salmos nna ca himnos nna ca coro espiritual nna lani itute latsi' le para gudàliani le Señor Jesucristua. ²⁰Tulidà taá hue' le gracia Dios enne' ná Tàta qui' ri'ua, por medio de Xana' Ri'u Jesucristua, por iyaba nu runne qui' ri'u.

²¹Liguni reconocer derecho nu té qui' ttu le lani attu le, porqui'ni iyaba ri'u tse'e ri'u delante de Tata Dios.

²²Annana rinénia' ca niula: Nuŷa tediba niula nu chi dua tsèlì nna labí danià cu'ubia'nià nubeyu' quì'ì, pero ná qui'ni gunià nubeyu' quì'ì obedecer, porqui'ni à' calatsi' Señor Jesucristua. ²³Porqui'ni ttu nubeyu' nu chi bettsaní'ì nna chi ná responsable para íchi'á niula quì'ì lo neda nu ná tse', tì'ba Cristua runie dirigir ri'u canu runi formar iglesia nu ná cuerpo qui'e, pues née Salvador para ri'u nna rui'e ri'u cuidado tulidàba para làa tse'e ri'u le' peligro. ²⁴Así es de qui'ni tì'a ri'u canu runi formar iglesia qui' Cristo rú'ulatsi' ri'u qui'ni cú'ubia'nie ri'u, à' tehuá ttu niula nu chi bettsaní'ì nna danià gunià iyábani nu rú'ulatsi' nubeyu' quì'ì.

²⁵Annana rinénia' ca nubeyu': Nuŷa tediba nubeyu' nu chi bettsaní'ì nna danià catsi'ínià niula quì'ì tì'ba Cristua uccuatsi'ínie ri'u nu ná iglesia qui'e nna bèteie la'labàni qui'e por ri'u, ²⁶para qui'ni ri'u canu ná iglesia qui'e nna cca ri'u yà'latsi' para guni ri'u làteruba Tata Dios servir, de chi beyúnie ri'u nàri de ca tul'la' qui' ri'u por medio de inda nna titsa' nna. ²⁷Anía beni Cristua para qui'ni ri'u canu ná iglesia qui'e nna cca ri'u presentar ru'a lúe sin tul'la' nna, sin biŷa seña qui' ttu cuerpo nu chi retù nna, nihua bíŷaáru attu mancha nna, antes la ccá ri'u completamente tsè' para lèe, nàri nna, sin biŷa falta nna. ²⁸A'hua ttu nubeyu' nu chi bettsaní'ì nna danià catsi'ínià

tulidàba niula quì'ì, porqui'ni niula quì'ì nna ná parte qui' la'a labá. Ttu nubeyu' de catsi'ínià niula quì'ì, pues tì'atsi catsi'ínià la'a labá porqui'ni ttùba ná ça.

²⁹Ni ttù nubeyu' labí ruyudí'á la'a cuerpo qui' bí, sino ànteslá tsè'ni ruà nna rui'á cuidado cuerpo quì'ì, tì'a Cristua ruyue tse' iglesia qui'e.

³⁰Porqui'ni ttu ttu ri'u ná ri'u parte qui' cuerpo qui'e, qui' bèlá' qui'e nna tsítta yù'e nna. ³¹A'hua ttùba cuerpo ná nubeyu' lani niula quì'ì, porqui'ni ttu nubeyu' nna guthà'nà tàta nàna quì'ì para its'à'á niula quì'ì nna ccá cabeza qui' litsi' qui, làniana chùppa taá ça cuequia lèttia ça iyaba ca asunto qui' qui' porqui'ni chi ná ça ttùba.

³²Enseñánzì nna labí ttélini ri'u à por capacidad nu té qui' la'a ri'u ba, pues ritelí te' qui'ni cca tratar nu cca qui' Cristua lani ri'u nu ná iglesia qui'e para gulue' tì'iŷa ná ri'u ttùba lani lèe. ³³Enseñánzì ná huá para lebi'ì: ttu nubeyu' nna danià catsi'ínià niula quì'ì nna gúlui'á qui'ni té la' tsì'ilatsi' lo lostu'ì para là, porqui'ni niula quì'ì nna ná parte qui' la'a labá. Ttu niula nna danià gunià nubeyu' quì'ì obedecer porqui'ni yùà qui'ni à' calatsi' Tata Dios.

6 Lebi'ì ca huatsa cùiti', liudà naga' le qui' tàta nàna qui' le nna guni le cabi obedecer, porqui'ni à' ná tse' lani Señor. ²Lo mandamiento ŷeni qui' Tata Dios làti ra qui'ni ná qui'ni gata' ttu la' rulábalatsi' tse' qui' lu' lani tàta nàna qui' lu', pues dá' huá ttu bendición para lu' porqui'ni runià seguir í:

³ Para qui'ni gata' ttu la' rittè tse' qui' lu' nna thua lu' itsá yétsiloyu.

⁴Lebi'ì nu ná tàta nàna, bittu guthacca'yí le ca yí'ni le nihua bittu guni le biya rù nu dacca' qui'ni itsa'áni ça, sino liudiyèni ça lani consejo tse' para qui'ni guni ça reconocer ca falta qui' qui, a'hua lani ya díti canchu caduel-la', pero siempre lani enseñanza tse' para qui'ni tsía latsi' qui Señor.

⁵Lebi'ì canu runi tsina qui' enne', liguni obedecer nu rena ca xana' le guni le, pero lani respeto de runi le duel-la' guni le nu rú'ulatsi' qui sin biya la' ruthacca'yí ti'atsi Cristua ba runi le servir. ⁶Liguni nu rena ça, pero alàa làteruba canchu chi rinna' ça le para cuádi bá iria tse' le ru'a lo qui, sino éxalatsi' le qui'ni ná le huenitsina qui' Cristua para guni le nu rú'ulatsi' Tata Dios lani itute latsi' le. ⁷Lani la' redacca' latsi' dani le guni le tse' biya tsina nu runna xana' le, porqui'ni Señor Jesucristua ba runi hua le servir, alàa làteruba làça. ⁸Chìa yù le qui'ni según bá nu runi ttu enne' le' yétsiloyu, a' bá ná premio nu gunna Señor qui'ì, ya sea canu runi tsina qui' enne' o canu ná ça patrón l-le.

⁹Riné huánia' lebi'ì canu ná patrón qui'ni dani le guni le tratar tse' canu runi tsina qui' le ti'a dani ça guni ça le servir tse', alàa hueduadí' bá ça guni le porqui'ni hua yù ba le qui'ni tantua lebi'ì a'hua làça nna iyaba le ná le responsable ru'a lo Señor Jesucristua enne' dua yíabara' por iyábani nu runi le. Lèe nna bihua gunie tratar adí tse' canu ná patrón,

nihua gunie tratar adí mal canu ná mozo.

¹⁰Annana hermanos quia': Licca fuerte espiritualmente taá por medio de la'huacca yèni nu runna Señor qui' le, ya'ni qui'ni chi ná le ttùba lani e. ¹¹Liuquína' itute defensa nu runna Tata Dios qui' le para qui'ni a' modo nna cca le fuerte contra iyaba la' ruthacca'yí qui' numalua. ¹²Porqui'ni canu ritil-la lani ri'u nna bihua ná ça attu luetsi enne' ri'u, sino ná lá ça ca contrario canu lanú rilá'ni, por ejemplo: iyábani clase de ca espíritu malo nna ca be' canu rigú'ubia' ça le' yétsiloyu nna runi ça qui'ni ega'nà le' la' chul-la qui'ì, pues adí la'huacca té qui' qui contra ri'u ti'chu ca enne'. ¹³Acca por nui nna, litsé'e al tanto para uquína' le itute defensa nu runna Tata Dios qui' le, para qui'ni canchu chi rídulo ça guni ça le atacar nna gúchia le guni le defender qui' le, para qui'ni canchu chi i'yu tsáa nna ilál'lo qui'ni beni le gana. Ttu soldado de ejército romano nna ríthi' tse' l-li'ì cinturón l-le, tá' iyyà ru'a lòstu'ì l-le, rigú'u ni'ì calzado l-le, dènià escudo l-le, rigú'u iquqì nu rulue' qui'ni ná soldado l-le, attu lado ní'ì dènià espada l-le. ¹⁴A'hua lebi'ì nna ná qui'ni uquína' le itute defensa espiritual qui' le contra nu runi numalua, por ejemplo: tsía latsi' le títsa' nu ná lí nna liguni nu ná tse' según ga'na escrito lo títsa' qui' Tata Dios, a' modo nna tsé'e le listo nna labiru gudu chùppanià le nihua labiru gátsini le. ¹⁵A'hua lithi' lo losto' le la'yèni nu runna títsa' de salvación, para

qui'ni tsé'e le al tanto lani la' redacca' latsi'. ¹⁶Además de nui nna, ligàppa confianza lani Xana' Ri'u Jesucristua para gunie le cualàni, làniana ca la' rulábalatsi' mal nu dá' de repente taá tì'a ttu yi' lo losto' le por numalua nna ítua taá çà. ¹⁷Litsía latsi' le qui'ni chi bedilà Tata Dios le para qui'ni gata' adí valor qui' le. Liquixá'a titsa' qui' Tata Dios porqui'ni nâ la'huacca nu runna Espíritu Santo qui' le ¹⁸de runi le oración tulidàba. Ligàtta' yúni Tata Dios nna linàbani e según ti'i'ya ba runi Espíritu Santo le dirigir. Bittu cca le enfadar para guni le oración, sino cca le listo guni le seguir rinàbani le Tata Dios por iyaba ca enne' qui'e. ¹⁹A'hua guni tsàtè' le oración lani Tata Dios por inte' qui'ni gúnnée facilidad quia' innía' lani adí ca enne' nna làa gatsi te' quixa'ánia' çà ca titsa' nu runna salvación nu nání Tata Dios dèsdeba nérúa qui'ni gúnnée qui' quj. ²⁰Xana' Ri'u Jesucristua nna bethà'née latsi' nàya' para

quixa'ánia' ca enne' evangelio qui'e por parte qui' áa, acca bedàxu' çà inte' preso nna be'yi'quia çà nì'a' lani cadena. Liguni oración para inte' qui'ni nunca labí èttu' te' quixa'a' itute mensaje qui'e lani valor ni tì'ba dàa te' gunia'.

²¹Calátsa'a' qui'ni cca le saber nu cca quia' a'hua bi'ya runia'. Hermano querido qui' ri'u Tíquico nna quixá'ani bi le iyábani. Tulidàba runi bi cualàni lo tsina qui' Señor. ²²Acca rithél-la'a' bi làti tse'e le para quixá'ani bi le nu cca qui' tu' nna inne bi ca titsa' nu runna adí fuerza espiritual qui' le.

²³Annana iyaba le hermanos to' quia', rinába' lani oración qui'ni gata' adí la'ÿeni qui' le nna a'hua adí la' tsì'ilatsi' qui' le juntú ba lani fe nu chi té lo losto' le nu runna Dios Padrea a'hua Xana' Ri'u Jesucristua. ²⁴Tata Dios nna gunie bendecir iyaba canu catsi'íni çà Xana' Ri'u Jesucristua lani itute latsi' quj.

A' bá ná.